

A Fundación Vigo en Deporte está constituída, na actualidade, polas entidades Concello de Vigo e PSA Peugeot Citroën membros fundadores dunha organización de natureza fundacional, recoñecida de interese xeral galego e constituída sen ánimo de lucro.

A Fundación VIDE foi declarada pola Orde do 4 de febreiro de 2002 coma entidade de interese galego con rexistro no noso Protectorado da Xunta de Galicia.

Fins fundacionais

Esta Fundación naceu polas necesidades sociais ante o incremento do tecido deportivo e de eventos de envergadura.

Os seus obxectivos iniciais e que mantemos no tempo son:

“O fomento e promoción do deporte a través do apoio, difusión e axuda ás entidades deportivas da cidade de Vigo, como medio de promoción e difusión da cultura deportiva, posibilitando un maior achegamento a todos os cidadáns e ao resto da sociedade en xeral” (art.6 dos Estatutos Fundacionais).

Destinatarios

A Fundación Vigo en Deporte ven desenrolando a súa actividade fundamentalmente mediante o apoio aos catro sectores deportivos que conforman a totalidade do deporte vigués:

- clubs de base
- clubs de elite
- deportistas individuais
- deporte popular

Órganos de goberno

I. Padroado

É o máximo órgano de goberno da Fundación e está formado por dous membros de cada unha das entidades

Concello de Vigo: D. José Manuel Fernández Pérez (Presidente en funcións e Vicepresidente)

PSA Peugeot Citroën: D. Yann Claude Martín e Dña María José Táboas.

Ademais o Padroado conta cos seguintes asesores:

Secretario: D. José Riesgo Boluda

Asesor Técnico: D. José Angel Otero Lamas

II. Comité Executivo

Este órgano está integrado por un representante de cada entidade.

Liñas de actuación

Dando cumprimento aos fins fundacionais, no ano 2015 materialízanse as accións xerais nas seguintes liñas ou programas de actuación:

IV TORNEO DE REIS

Obxectivos e filosofía. Na 4ª Edición do Torneo de Reis, continuamos co proxecto educativo, de convivencia e lúdico - deportivo que pretendemos nas datas navideñas.

Os/as pequenos/as que participan teñen nestes dous días de competición coma única meta a de gozar do xogo.

O lema do Torneo é “NON HAI VENCEDORES NIN VENCIDOS” polo que tódolos/as nenos/as terán o seu recoñecemento ao finalizar o Torneo.

Sistema de competición. Divídense en grupos de catro equipos cada un. Este torneo non ten finais, senón que en cada idade xógase unha “liguilla” de todos contra todos a unha volta. Non hai límites de cambios. “Todos/as gañan e todos/as levan medalla”. O torneo está organizado pola Fundación VIDE, contando co apoio do Instituto Municipal dos Deportes e a Concellería de Deportes de Vigo; e está coordinado polo responsable das Escolas Deportivas Municipais de Fútbol, Belarmino Alonso, “Milucho”.

Datas e Horarios . Os días 2 e 3 de xaneiro de 2015 (venres a sábado). Dende as 10h ata as 13h e dende as 16h ate as 20h no Complexo Deportivo de Navia.

Categorías.(nenos e nenas de tres a seis anos)

Minis. Nados dende o 1 de xaneiro de 2009 ata o 30 de xullo de 2010

Biberóns. Nados despois do 1 de agosto de 2010

Regulamento. Cada partido xógase a catro tempos, de dez minutos cada un; e entre o segundo e o terceiro tempo faise o descanso. Ademais, todos os nenos/as xogan, como mínimo dous tempos, e de non ser así, dase o partido por perdido ao equipo incumpra esta norma. Antes de cada partido, os equipos participantes, presentan a fotocopia do libro de familia onde aparece o neno/a ou o NIF deste/a. E o número de xogadores en cada partido non está limitado pois é decisión dos dous equipos que van a xogar, os cales terán que poñerse de acordo.



Nesta edición contamos coa participación de 180 nenos e nenas, concretamente, once equipos de nove clubs (Alerta Navia, Coruxo, Gran Peña, Sárdoma, Santa Mariña, Balaídos, Colexio Hogar, La Guía e C.D. Teis).

Alerta Navia, La Guía e Coruxo presentaron equipos de “babys”, é dicir, de 3 e 4 anos.

No acto de clausura todos levaron medallas e un agasallo do Concello de Vigo.

PROGRAMA SIAREIROS

Un dos motivos principais do nacemento da Fundación foi a creación do programa Siareiros. Nunha cidade como Vigo onde a práctica deportiva está completamente estendida son innumerables os clubs tanto de base como de elite que aportan o seu traballo, esforzo e experiencia a un sen fin de deportistas que gozan diariamente do deporte. Por iso a Fundación tenta xuntar as forzas de todos os patrocinadores e repartir as axudas en función da categoría do club, uso de instalacións, relevancia do deporte, apoio aos equipos de base,...

Obxectivos

- 1) Alentar ao deporte base da nosa cidade co fin de crear unha sociedade cimentada nos valores deportivos da honestidade, solidariedade e saúde.
- 2) Axudar aos equipos de Vigo a facerse un oco no máis alto do deporte nacional.
- 3) A posibilidade para os equipos de base de Vigo de poder adestrar nas instalacións municipais.

Carné Siareiros e base de datos

A Fundación crea este carné como instrumento de afiliación e recadación para os clubs. A través dun programa informático instalado na páxina web da Fundación, www.vide.es, os clubs introducen nunha base os datos dos/as afiliados/as ao seu club (siareiros). Posteriormente, a Fundación personaliza os carnés co nome, apelidos, número de siareiro, escudo do club, e engádese un código de barras personalizado para un maior control na entrada dos eventos deportivos.

Existen dúas modalidades de carné:

A. Carné Siareiro Club

- Beneficios para os “clubs de base”: Os clubs comprométense coa Fundación a vender este carné recadando para eles integramente o importe de 6 €. E reciben unha subvención segundo os siareiros acadados polo club na tempada e seguindo as bases marcadas pola Fundación.
- Beneficios para os/as “Siareiros”: Participar en sorteos, promocións e gozar de descontos nos establecementos colaboradores da Fundación.

Formato carné Siareiros base 2015/2016:



B. Abono Siareiro Elite

-Beneficios para os “clubs de elite”: Os clubs comprométense coa Fundación a vender este carné recadando para eles integramente os importes, seguintes;

Infantil (ata 12 anos):15€/Xuvenil (ata 21 anos):40€/Universitario:40€/Xubilado:40€/Pensionista: 40€/ Pensionista (PNC): 30 €/Parado individual:50€/Familiar especial:90€/Individual senior: 95€/ Familiar(máx.5 persoas):150€/Palco VIP individual:300 €/Palco VIP dúo: 500 €

E reciben unha subvención segundo os siareiros acadados polo club na tempada e seguindo as bases marcados pola Fundación.

- Beneficios para os Siareiros: Asistir por unha única tarifa a todos os partidos dos clubs de elite da cidade durante toda a tempada; e participar en sorteos, promocións e gozar de descontos nos establecementos colaboradores da Fundación.

Formato carné Siareiros elite 2015/2016:



Distribución de subvención aos clubs participantes no Programa Siareiros durante o ano 2015 (30.000 €)

S.D. ACADEMIA OCTAVIO
POLID. ALERTA NAVIA
ARENAS DE ALCABRE S.C.D.
AMFIV
BADM. RACHAPLUMAS
BALONC. SEIS DO NADAL-COIA
BALONCESTO SAN JOSÉ GUÍA
BALONMANO SEIS DO NADAL
C.A.R.P.A.
CASTRELOS PATIN.E ARTÍSTICA
CICLISTA VIGUÉS
CIO S VIGO
DEPORTIVO A PAZ 03
FLIC FLAC
FPR EL OLIVO
SAN IGNACIO DE LUCHA

LUCHA CIUDAD DE VIGO
MANIOTAS
NATACIÓN RÍAS BAIXAS
SINCRON. RÍAS BAIXAS
MOSTEIRO BEMBRIVE F.S.
PATÍN VAGALUME
DEPORTIVO BOSCO
TRAVIESAS HOCKEY
UNIÓN BALONMÁN LAVADORES
UNIÓN F.S.
E.D. VIGO 2015 F.S.
LA PEÑA VIGO F.S.
VIGO SQUASH
VIGO RUGBY
VIGO VOLEIBOL
DEPORTIVO XUVENIL TEIS

Ademais, entre todos estes clubs recadaron o redor de 29.000€ pola venta de rifas para o sorteo dunha viaxe ao Caribe doado pola nosa empresa colaboradora Viajes Eroski.

XVI CAMPUS POLIDEPORTIVO

O Campus Polideportivo é de longa tradición na nosa cidade, comezou polo ano 2000, pero foi no ano 2002 cando a Fundación VIDE asumiu a súa organización e financiamento. Durante os últimos dezaseis anos mais de 3.200 rapaces e rapazas viguesas puideron gozar dunha oportunidade única: achegarse á práctica dos deportes, dende a iniciación ata o perfeccionamento da man das mellores entidades deportivas da cidade: Deportivo Bosco, Vigo Voleibol, S.D. Academia Octavio, Traviesas Hóckey, Deportivo Xuvenil de Teis, Mosterio Bembrive F.S., AMFIV, Halcones de Beisbol, Badminton Rachaplumas, Ciclista Vigués e Vigo Rugby.

Obxectivos

O principal obxectivo é achegar aos rapaces e rapazas á realidade multideportiva da cidade enriquecendo o seu coñecemento e práctica deportiva, fomentando valores de convivencia e deportividade.

Consecuentemente alcánzase un segundo obxectivo, e non por iso menos importante, o apoio ao deporte de base: debido ao grao de éxito do programa increméntase o número de inscritos nas escolas das entidades deportivas participantes, posto que moitos destes rapaces queren continuar coa práctica do deporte que empezaron a descubrir.

Destinatarios e horarios

Beneficiáronse deste programa todos aqueles rapaces e rapazas con idades comprendidas entre os 6 e 14 anos. Para unha mellor organización posteriormente dividense en grupos de idade diferenciados por cores.

As actividades realizáronse no Complexo Deportivo das Travesas, en xornada continua de 9h a 18 h, de luns a venres. No prezo incluimos un refrixerio a media mañá e un servizo de catering para o xantar. Ademais dun seguro para tódolos participantes.

No ano 2015 as datas nas que se realizou foron do 22 ao 26 de xuño, posto que na semana anterior os rapaces remataron o curso escolar.

Actividades

As actividades deportivas dirixidas por monitores profesionais son balonmán, baloncesto, voleibol, fútbol sala, hóckey a patíns, baloncesto en cadeira de rodas, béisbol, rugby, bádminton e ciclismo. Ase mesmo, as xornadas combínanse con actividades complementarias como piscina, e a excursión ás Illas Cíes (día 23 de xuño). Ademais, nesta edición incluimos unha charla de hixiene dental con reparto duns estuches con cepillos.

O último día, todos os rapaces e rapazas recibiron un diploma de asistencia de man do Alcalde e se sortearon agasallos relacionados coa practica do deporte, todo elo nunha festa de clausura onde tivemos as portas abertas para as familias.



XV TORNEO INTERNACIONAL DE FÚTBOL BASE “VIGO CUP”

Os anos de experiencia avalan a calidade do Torneo Internacional de Fútbol Base celebrado en Vigo e que este ano celebrou a súa decimo quinta edición. A Fundación VIDE traballou dende principios de ano na organización deste evento. Uns 3.000 nenos e nenas de entre os 6 e os 16 anos xogaron nos mellores campos do termo municipal, apoiados por preto de 300 técnicos. En total oito categorías, cinco para fútbol 7 e dous para fútbol 11; sinalar que nesta edición incorporouse a categoría de sub 6. Xogaron a fútbol pero tamén compartiron convivencias, xogo limpo e sobre todo diversión. Combínase deporte e ocio da mellor forma posible: cos mellores campos e coordinadores e coa paisaxe máis envexable, as Rías Baixas.

Datas

As datas desta edición foron dende o luns 29 de xuño ata o domingo 5 de xullo de 2015.

Instalacións

Este ano a Vigo Cup xogouse nos campos do Vao (Coruxo), Complexo Deportivo de Samil, A Guía, Complexo Deportivo de As Travesas; A Pirucha (San Miguel de Oia), Baltasar Pujales (Bouzas), Pahiño (Navia), As Relfas (Sárdoma) e no Estadio de Balaidos onde por sexto ano consecutivo se xogaron as finais da Vigo Cup.

Sistema de competición

O Torneo Internacional de Fútbol Base Vigo Cup rixese segundo as normas da FIFA e da Federación Española de Fútbol. Os equipos divídense en grupos de 4 ou 5, dependendo da inscrición. Nunha primeira fase enfrontáanse nunha liga a unha soa volta. Na segunda fase o 1º e 2º de cada grupo clasifícanse para a fase final, o 3º e 4º de cada grupo xogan a serie de consolación. Esta segunda fase desenvólvese polo sistema de eliminación directa.

Transporte

Durante a competición todos os xogadores e equipo técnico poden utilizar durante todo o día o transporte público gratuitamente (VITRASA) amosando a súa credencial do Torneo. Ademais todos os campos contan cunha liña de autobús próxima.

Actividades paralelas

Vigo é unha cidade diversa, chea de posibilidades que ofrece a todos os participantes, equipo técnico e acompañantes a oportunidade de coñecerla en esencia. É por iso que todos os anos poñemos á súa disposición diversas actividades gratuítas tales como visitas a VigoZoo e Museos; e descontos en excursións as Illas Cies (Naviera Mar de Ons) e painball (Dangerous Play). Como iniciativa, neste ano se fixo unha festa para o disfrute de todos os participantes e acompañantes.

Torneo de penaltis

Por oitavo ano seguido celebrouse o torneo de penaltis que proporciona motivación aos rapaces e rapazas e exhibición aos asistentes. Cada equipo presentou un máximo de catro xogadores incluído o porteiro. Os agasallos aos gañadores correron a cargo de New Balance.

Resultados de Vigo Cup 2015

Participación de máis de 3.000 participantes, 183 equipos de 48 clubs de España e Portugal. As finais tiveron lugar en Balaidos o domingo 5 de xullo de 2015, cos resultados seguintes:

CATEGORÍA	CAMPIÓN	SUBCAMPIÓN
Sub 7	Val Miñor	Victoria A
Sub 8	Sárdoma	Rápido de Bouzas
Sub10	R.C. Celta A	Santa Mariña A
Sub12	R.C. Celta A	R.C. Celta B
Sub 14	Maia Lidador	Val Miñor B
Sub 16	Areosa A	Areosa B
Damas	El Olivo	Erizana



Premios VIDE

Todos os anos o Comité organizador da Vigo Cup concede os Premios VIDE.
O 29 de decembro, o Alcalde entregou o galardón aos seguintes premiados:

Diego Rodríguez Lamas (Coruxo F.C.)	Mellor progresión
Sara González (FPR El Olivo)	Mellor futbolista feminina
Carlos Movilla (Ramón Parente)	Difusión xornalística
Club Deportivo Teis	Mellor entidade deportiva
Adrián Díaz	Mellor arbitro
Enrique Fernández (C D Nieto)	Mellor directivo
Jorge González (San Estéban)	Mellor adestrador



AXUDAS A DEPORTISTAS VIGUESES E VIGUESAS DE BASE DE MODALIDADES DEPORTIVAS INDIVIDUAIS

Obxeto

A finalidade desta partida é a concesión de axudas a deportistas vigueiros e vigueiras de base de modalidades individuais que, acreditando unha calidade inicial e unha especial adicación á actividade deportiva, auguren unha proxección inmediata ou futura para o deporte de alta competición.

Finalidade

Consolidar a progresión dos rendementos deportivos, destinándose a sufragar en parte os gastos ocasionados durante o período de adestramento, competicións, perfeccionamento e adquisición de material técnico durante a tempada .

Beneficiarios/as

Deportistas que participaron en competicións de ámbito estatal e internacional nados despois do 1 de xaneiro de 1992.

Contía

Cada unha das axudas concedidas conta cunha dotación de 1.000 € brutos (incluídos impostos); cun total de 20 axudas. O total do orzamento para este programa é de 20.000 € anuais.

Criterios de Concesión e valoración

Consideraranse os méritos obtidos polos/as deportistas durante a tempada .

Tense en conta a modalidade deportiva de que se trate e as dificultades para acadar méritos na mesma.

Ademais, contemplouse a posibilidade de que as becas concedidas foran compartidas en dúos, tríos ou cuartetos.

Obrigas dos/das beneficiarios/as

1. Destinar a axuda aos fins para os que foi concedida.
2. Prestar a súa colaboración e imaxe cando así se solicite por parte da Fundación VIDE e do Concello de Vigo.
3. Facer unha axeitada publicidade da Fundación VIDE e do Concello de Vigo durante as competicións ou manifestacións deportivas.

Procedemento

A Comisión de Valoración estivo integrada polos membros do Comité Executivo da Fundación Vigo en Deporte.

Recibíronse nas oficinas de VIDE un total de cen solicitudes, polo que o Comité Executivo tivo que aprobar un corte inicial a 35 finalistas, do que finalmente saíron os 24 bolseiros para as 20 axudas, que foron os seguintes:

DEPORTISTA	MODALIDADE
ÁLVARO MUZAS FERNÁNDEZ	Judo
ALBA RODRÍGUEZ LLOVES	Surf
LUCÍA PENIN COSTAS	Taekwondo
CARMELA CARDAMA BÁEZ	Atletismo
ANTONIO SERRAT SEOANE	Triatlón
ÁLVARO BLANCO GUEDE	Remo Olímpico
SARA VIEITEZ MARIÑO	Loita Libre Olímpica
JUDITH RODRÍGUEZ MENÉNDEZ	Esgrima
JORGE CASALES CARRASCO	Motociclismo
MARTA DOMÍNGUEZ FERNÁNDEZ	Squash
ANDREA VILAS MIRANDA	Taekwondo
GABRIEL FERNÁNDEZ FERREIRO	Badminton
ICIA RIVEIRO ANDRADE	Squash
ALEJANDRA SUÁREZ GONZÁLEZ	Vela Vaurien (compartida)
HELENA PÉREZ ÁLVAREZ	Vela Vaurien (compartida)
CARLOTA HERNÁNDEZ GARCÍA	Vela 420 (compartida)
ANA CARRASCO SOLLA	Vela 420 (compartida)
JAIME DE HAZ IRAURGUI	Remo
MARTÍN DE LA PUENTE RIOBO	Tenis adaptado
BEATRIZ PARADA ENRIQUEZ	Taekwondo
MARIO PÉREZ GONZÁLEZ	Vela Vaurien (compartida)
TIRSO CERQUEIRA ATARÉS	Vela Vaurien (compartida)
UXÍA VERISIMO DÍAZ	Ximnasia Acrobática (compartida)
ALEXANDRE SIERRA FARIÑAS	Ximnasia Acrobática (compartida)

Os vinte e catro deportistas sub 23 recibiron o día 11 de maio, no salón de actos da Casa Galega da Cultura, a subvención polos seus méritos deportivos na tempada 2014/15. O encargado de facer a entrega foi o Presidente da Fundación Vide e Concelleiro de Deportes, Manel Fernández; acompañado de M^a José Táboas en representación de PSA Peugeot Citroën; ambos patróns e integrantes do Comité Executivo da Fundación.



PROXECTO VOVIS

Dende o nacemento da Fundación VIDE se ven desenrolando a campaña de captación de voluntariado deportivo denominada "VOVI", é dicir, "Voluntario/a Vide", onde o obxectivo é a dinamización da actuación voluntaria no ámbito deportivo, na realización de actividades ou eventos deportivos que precisan da axuda da cidadanía.

Eventos deportivos da cidade

En Vigo celébranse ao ano mais de 150 eventos deportivos, que van dende o mais alto nivel nacional, internacional e mundial, ata aqueles populares organizados nas parroquias da nosa cidade. De forma xeral, todos e cada un destes eventos e actividades deportivas, demandan unha colaboración para facer efectiva a súa organización, é dicir, solicitan os medios humanos de cara a colaborar en diversas áreas de organización. Estas actuacións en materia deportiva, pola súa tradición e repercusión, enxalzan cos principios universais de unión, amizade e participación de distintos pobos e culturas. É por iso que a Fundación participa coa súa cidade mediante o voluntariado deportivo como signo de solidariedade e cordialidade.

Neste ámbito de traballo a actuación dos nosos VOVIS centrouse neste ano principalmente nos seguintes eventos:

4º TORNEO REIS	2 e 3 de xaneiro
A GRAN BIKEDADA	8 de febreiro
XVI CTO AUTONÓMICO GRUPOS SHOW Y CUARTETOS	7 e 8 de febreiro
V CTO DE ESPAÑA TROFEO CIUDAD VIGO GRUPOS SHOW	20 e 21 de marzo
DÍA DEL PATÍN	17 de maio
XVIII DÍA DE LA RÍTMICA	30 de maio
DÍA DE LOS DEPORTES DE COMBATE	30 de maio
CARRERA SAN JUAN	23 de xuño
CAMPUS POLIDEPORTIVO	22- 26 de xuño
VIGO CUP	29 de xuño-5 de xullo
TORNEO INTERESCOLAR BALONMANO	26 de setembro
PRESENTACIÓN SIAREIROS	8 de outubro
COPA DEL REY-FÚTBOL SALA	13 de outubro
VIGO + 11	7 e 8 de novembro
MEMORIAL ABANQUEIRO	13 de decembro
SUBIDA AO CASTRO	13 de decembro
TORNEO DE NADAL DE FÚTBOL CONCELLO DE VIGO	28,29,30 decembro
CARREIRA POPULAR DE NADAL - SAN SILVESTRE	31 de decembro



BIBLIOTECA DEPORTIVA

Outro dos proxectos de traballo da Fundación VIDE centrase na promoción do espazo adicado dentro das nosas instalacións á Biblioteca Deportiva. Trátase dunha idea pioneira dentro do noso entorno, sendo a única Biblioteca especializada en deporte.

A Biblioteca Deportiva da Fundación Vigo en Deporte (VIDE) iniciou a súa actividade o 9 de maio de 2003 poñendo a disposición do/a usuario/a máis de mil volumes de todo tipo en galego, castelán, portugués, italiano e inglés, pois VIDE adquiriu publicacións do Reino Unido, Italia e Portugal.

A biblioteca, que posúe historias de clubs e/ou deportes, documentación técnica de diversas modalidades, enciclopedias de deportes ou dicionarios, é a máis importante que existe en Vigo. Adoita ser visitada fundamentalmente por técnicos, aínda que o seu acceso é libre e gratuíto nos horarios da Fundación.

Existe na páxina web da Fundación un glosario para a consulta dos volumenos existentes; así coma, dous edicións en papel nas propias instalacións.

Ademais, VIDE posúe soportes técnicos para consultar vídeos, CD Rom ou casetes de diversos temas. Para o seu desenvolvemento contamos cunha sala audiovisual equipada con televisor, dvd e acceso a Internet.

Os libros son de consulta na propia sede de VIDE ou de préstamo gratuíto, tanto de libros coma de material audiovisual.

Dispoñemos de publicacións deportivas periódicas (Vigo Deportivo, Agrupación Galicia Social, e publicacións de federacións e clubs), e prensa local diaria (Faro de Vigo e Atlántico Diario).



PROGRAMA DE COMUNICACIÓN

Este proxecto conta con varias fases de implantación e no ano 2015 concretáanse as seguintes actuacións:

- Páxina web www.vide.es. No inicio deste ano realizouse unha actualización da páxina web, facéndoa mais áxil, dinámica e que permite unha maior e mellor información nos seus contidos.
- Páxina no Diario Decano Faro de Vigo. Coma ven sendo habitual Faro de Vigo renovou a súa colaboración coa Fundación cedendo unha páxina todas as semanas (dende setembro a maio) onde se recollen noticias de actualidade, encontros e eventos deportivos, etc. chegando a un sen fin de persoas por ser un dos diarios de maior tiraxe.

Na tempada 14/15 foron vinte e unha as incursións no diario durante outras tantas semanas seguidas no programa Siareiros. Ademais, Faro de Vigo implicouse notablemente con publicación diaria dos eventos mais importantes de VIDE (Vigo Cup, reparto de becas, Campus Polideportivo, Siareiros...).



OUTROS PROGRAMAS DE PROMOCIÓN DEPORTIVA

A familia deportiva da cidade composta por federacións, clubs e deportistas tenta dinamizarse continuamente, impulsando e actualizando a súa actividade pois cree firmemente no seu proxecto. Deste xeito se celebran torneos ao longo de todo o ano, festivais, campionatos, xornadas de portas abertas, etc. Sen embargo, a súa boa vontade non sempre é suficiente e precisan da Fundación para a súa organización e loxística.

Para nós é un orgullo poder axudalos xa sexa mediante a provisión de bebidas, froita, petos, gorras, camisetas, balóns ou merchandising en xeral, que na maioría das veces é doado polas nosas empresas colaboradoras.

Tamén lles proporcionamos medios para a súa organización, promoción e disposición voluntarios.

É importante a colaboración que mantemos coa Agrupación Deportiva Vigo entidade organizadora da competición "Vigo en Xogo". Esta competición conta cuns 3.000 participantes dende setembro a xuño nos deportes de fútbol sala, fútbol 7 e baloncesto.

A nosa axuda pasa pola cesión de instalacións, e apoio a Organización a través de nosa web.

Ademais de coa familia deportiva a Fundación Vigo en Deporte colabora co Concello de Vigo, pola a nosa estreita vinculación, nos programas levados a cabo, principalmente pola Concellería de Deportes ao longo de todo o ano.

A Concellería de Deportes puxo en marcha a principios de ano a séptima edición do Circuíto de Carreiras Populares Cidade de Vigo (IV Correndo por Vigo, XVI Media Maratón Vig Bay, IX 10 km. Cidade Universitaria de Vigo; XIV Media Maratón de Vigo, XXXII Carreira Nocturna de San Xoán, VI 10 Km. Xorn. Marisqueiras do Berbés, IV 10 Km. Praia de Samil, IX Vigo+11, X Subida ao Castro e LIV Gran Premio Pedestre de Nadal) e a Liga de Natación Escolar (xornada I o día 1 de febreiro, xornada II o día 8 de marzo e xornada III o día 24 de abril), contando co apoio loxístico e administrativo de VIDE.

Sinalar tamén, a nosa participación na organización do Torneo de Nadal- Concello de Vigo e a Carreira Popular de Nadal San Silvestre.

Por último, destacar que tamén colaboramos na organización da Gran Gala do Deporte de Vigo e a súa Comarca, este ano na súa décimo sexta edición (día 17 de marzo no Teatro AFundación).

Vigo festexa a forza das carreiras populares

CONCELLO DE VIGO

0 sábado martes 25, o Circuito Cidade de Vigo fai entrega dos premios aos 4 de millóns atletas de 2014

NIN UN PASO ATRÁS

Máis de 15.000 participantes 110 premios de acordo coa idade

50.000 deportistas na ruta de pedras atléticas de 2014

9.200 euros en premios para os 4 de millóns atletas de 2014

O VII Circuito presentará as súas novidades... E haberá homenaxes sorpresa na gala

FAITE SABER

información en www.vide.vigo.es

vide PSA PEUGEOT CITROËN Sierreiros FARO DE VIGO

Vigo oferta as mellores ligas municipais para nen@s

CONCELLO DE VIGO

Comeza este domingo 19-02 a Liga de Natación Escolar na piscina do Carme

LIGA NATACIÓN ESCOLAR 2015

Récord de 400 nadadores inscritos de 29 centros de ensino da cidade

As ligas locais de programas municipais de accións deportivas

Primeros pasos na competición para os nen@s a partir dos 5 anos

700 participantes en fútbol 7

300 participantes en natación e baloncesto

FAITE SABER

información en www.vide.vigo.es

vide PSA PEUGEOT CITROËN Sierreiros FARO DE VIGO

Vigo decide @s mellores deportistas de 2014

CONCELLO DE VIGO

0 Teatro Cultural Alameda apoiará a espectacular e tradicional XVI Gala do deporte de Vigo e a súa comarca

Gran Gala do Deporte de Vigo e a súa Comarca

46 deportistas e 137 mulleres 172 mulleres

Un millón de espectadores en directo o 17 de marzo

23 deportistas 172 mulleres

premios e illas de maior presenza

FAITE SABER

información en www.vide.vigo.es

vide PSA PEUGEOT CITROËN Sierreiros FARO DE VIGO

Vigo propón un Nadal cheo de deporte

CONCELLO DE VIGO

A San Silvestre do día 31 encerra os ritos de Alameda e Cicco Vello fe participantes a prol dunha causa solidaria

TORNEO DE NADAL FUTBOL 8

0 Torneo Concello de Vigo, en dezaseis campos da cidade desde o día 28

Máis de 1.400 xogadores en competición

Cinco días de fútbol e fútbol 8

FAITE SABER

información en www.vide.vigo.es

vide PSA PEUGEOT CITROËN Sierreiros FARO DE VIGO